

Treba naglasiti da su svi izvedeni radovi dokazali svoju opravdanost i da su u potpunosti izvršili svoju funkciju. Medjutim, ostalo je otvoreno pitanje njihovog održavanja. U ovom trenutku ovi objekti se ne održavaju i niko ne vodi brigu o njima. Formalno su sve pregrade u Orahovičkoj rijeci, Ciganskom potoku, Starinskoj rijeci i Begovića potoku predate 1959. godine u osnovna sredstva Šumskom gazdinstvu Zavidovići (prilog: fotokopija zapisnika). S obzirom da se uredjenje bujica u to vrijeme nalazilo u djelatnosti šumarstva, ta odluka je bila na svom mjestu. Medjutim, od 1965. godine uredjenje bujica je prešlo u djelatnost vodoprivrede pa bi i status postojećih pregrada trebalo rješavati u skladu s tim. U priloženoj tabeli br. 3. dat je detaljan pregled izvedenih građevinskih i bioloških radova po pojedinim vodotocima.

4.4. Prijedlog radova i mjera na uredjenju bujičnih tokova

Sagledavajući projektni zadatak za izradu Osnovnog vodoprivrednog rješenja, stepen intenziteta erozionih procesa, količinu i strukturu nanosa, njegovo taloženje, velike vođe kao i potrebe zaštite grada Zenice, usvojeni koncept rješenja se sastoji u:

- djelimičnom uredjenju bujičnih tokova podizanjem građevinskih bučarskih objekata (pregrada, pragova i sl.) u cilju konsolidacije dna i obala, retenzije nanosa i smanjenja pada i vučne sile,
- pošumljavanju najjače erodiranih površina u slivu kako bi se spriječila produkcija nanosa na tim površinama, a samim tim i smanjio pronos nanosa u donje tokove na području grada,
- sprovođenju zaštitnih mjera na zaštiti zemljišta od erozije i korišćenju zemljišta.

Kod utvrđivanja obima potrebnih radova analizirane su 2 mogućnosti:

- potpuno uredjenje bujičnih tokova i totalna zaštita zemljišta od erozije,